

勝美緩則守急則戰觀變而動攀等悉聽周指揮賊  
攻城七晝夜見城中堅壁不可動且聞周有將畧恐  
應援至爲所敗遂退周預埋火銃于要路賊至銃發  
死者甚衆棄勝掩殺之無不奔竄民用安堵咸服周  
神美云且念邑西北當山之下敵易窺淺深遂建議  
請跨山築新城六百餘丈以備不虞如其議至今賴  
之俗呼爲吳公城以功擢國子監博周抱負卓犖爲  
時推重自謂資格所限難以大用遂棄官歸不自營  
產嘗以薄俸周戚屬之貧者著書數種詳藝文

論曰國家當靖難時死事者皆著聞而吳獨不可  
知其闔室死於兵與或曰殆補鍋匠之流與諶一  
庶介典史耳當下獄時何意賜之衣宴列名彰善  
哉吳信玉在計曹省縣官經費何啻數百萬陳吉  
亨剛風勁節湏於古人中求之而張自明遇事敢  
言無所避忌非骨鯁丈夫能然乎吳宗文以司訓  
攝篆大破強寇旋築新城慶元恃以無恐視世之  
臨事首鼠者何啻千里儁哉其爲經濟才也

邵武府志

玖

臺灣國家圖書館, NATIONAL CENTRAL LIBRARY, TAIWAN. R.O.C.





邵武府志卷之四十二

人物志七

忠義傳

唐上官洎乾符末爲鎮將時黃巢自浙東踰江西破  
饒吉虔信等州因刊山開道直趨建州洎與子蘭領  
兵勤王誓曰不收黃巢九泉之下不敢見先君直趨  
建昌拒賊力戰父子皆被害事聞俱贈將軍勅葬和  
平里之暖水窠

宋龔其慎儀字世則仕南唐爲禮部侍郎宋開寶初入



貢太祖命賫書往招嶺南被執漢人得歸後隨李主  
歸宋以駕部郎中爲歙州刺史有盧絳者宜春人也

一作徐人

欲據福建領數千衆由新安入歙約慎儀開城

降慎儀不聽已而城陷絳擁衆入慎儀朝服坐黃堂  
目不顧絳神色自若絳曰聞公素有籌略今下歙特  
請公爲謀主慎儀厲聲曰吾已受宋朝真命雖一日  
失援肯從若爲叛耶絳怒使部小校熊進直前殺之  
舉家被害二女被擄去後縊死於邑之香嚴寺門下  
上官悟字仲達均幼子也以父廕任泰州士曹

修撰京畿轉運使建炎三年畱守東京時知濟南劉  
豫叛降金虜命豫節制京東兵馬豫遣人說悟使降  
金悟斬其使豫乃賂悟左右喬思恭宋願同說悟復  
斬之金虜更遣河北僉軍首領聶昌來攻時城孤勢  
危力不能拒城遂陷爲盜所殺按劉志謂金人入東  
京悟南奔爲盜所害與此不同未詳贈朝散大夫右  
文殿修撰官其後五人

丁從龍泰寧信義保人紹定三年率鄉兵擊盜追奔  
逐北有功勅授義保郎端平二年六月領兵淮安城



下連日大戰攻破土城賊兵奔潰克復淮安轉授忠  
翊郎八月遇盜于廣西梧州之懷集縣血戰死之朝  
廷命官致祭仍立廟於懷集復其家祀于邑之鄉賢  
四世孫勝設像立祠本保凹頭前坊

危一光澤虎跳人家貧業樵靖康間汴京失守二帝  
北遷一聞之哭三日骨立而死李炳有詩見叢談

高談字景遂光澤人紹定二年旁郡盜作諸子請避  
之談曰昔楊子訓問避寇於胡文定公語之曰往歲  
盜起燕山則河北關中可避入關則河南漢南可避

人惟二廣寧保其無寇乎吾惟存心以聽命爾小子  
識之此格言也今南去則汀劍西去則盱贛皆為盜  
區東去富沙雖有城壁吾聞官吏例弗我納北去廣  
信防夫守隸利人囊篋指民為謀數剽殺之舍胡公  
之言未有他策也盜入諸子又請談曰有廟祀在將  
焉之賊至談出曰時和歲豐何忍為此盜曰吏貪暴  
民無所懇我為直之談曰獨不能槌鼓上聞乎民何  
辜而殺之盜怒執諸庭遺之牛酒不釋遺之金帛不  
釋談曰然則將何為盜曰我欲東破武陽若得耆老



召禹州志 卷四十三  
如爾率是鄉子弟吾其濟乎談曰斯言奚爲至我唾  
賊大罵遂遇害而里人賴以免談平居言動必出禮  
法故鄉人敬而附之

吳點字聖與黯之弟登元豐五年第與蔡京舊崇寧  
初京拜右僕射點爲太僕寺丞首求去京不樂以郡  
俸處之終身兄公達受胡安定學中皇祐科默登嘉  
祐第官至太傅黯登治平第官至太僕卿

朱... 小口人登大觀二年第知郴州耻出奉檜之...  
... 歸屢召不起號悠然居士

黃適字景聲和平人登隆興元年進士守官待正不  
... 韓侂胄黜爲江西提刑請老還鄉自號雁臺野老  
李勉字安道光澤人李... 少力學以五經連五舉  
元祐九年擢進士第知... 溪縣又知順昌素有氣節  
多忤于時遂謝事休致後名入黨籍

黃克仁字已任光澤人與朱文公同年陳書萬言忤  
時相聞者縮首守真化雷三州奉祠歸卒

元黃元實字廷美泰寧人幼孤貧酷學性凝重寡言  
動循矩度終日危坐不少傾倚至順元年試浙闈中



乙榜授郡文學學者多所造就當道剡薦于朝未就而歸至正十三年邑有妖民爲亂縣尹延元實議討賊計賊奄至遂遇害女貞奔哭罵賊賊殺之詳見女德志

李階字進祖深之子熙寧二年爲別院省元特奏名安忱對策言使黨人之子階魁南宮多士無以示天下遂奪階出身四年赦黨人子弟復官調鹽城尉建炎元年攝臨安府比較務州卒陳通脅階叛階叱之遂遇害事聞贈右承事郎與一子恩澤

國朝李剛泰寧庠生正統戊辰沙寇橫發剛匿山谷中出遇寇脅剛從逆剛遂以義數之賊怒令跪不屈罵不絕口死

陶鉞邵武衛軍嘉靖三十九年流賊逼邵有武生楊永紹丁應機府吏聞音過萬年橋賊追急鉞時爲銃手舉空銃向賊二人因得脫既而伎窮爲賊毒殺李憲臺命葬于西塔豎以陣亡勇士陶鉞之墓云

論曰人苟天植其性雖九死而不移上官洎畢命黃巢龔慎儀不屈盧絳其忠義之冠軍乎危一立



死以北轅殆有楚申胥之風悟也死守東京龍也  
血戰懷集義在殉國又奚計喪元哉他若唾賊之  
高陷妖之黃遇害臨安之李皆能畢命捐軀義不  
反顧崇寧間不屈蔡京聖與爲高朱耻出秦檜黃  
見黜侂胄已任忤相安道忤時直道貞心不注不  
屈君子避之偉哉陶乎奮不顧身以衛其帥至爲  
賊所支解蕭然一杯鰲峰竝峙千載而下不猶  
俠骨香哉

### 風節傳

宋龔穎字同秀祖愈南唐太子太傅父最守秘書監  
穎天資敏悟博通經史初仕南唐爲內史學士隨李  
主歸宋太祖知其賢擢爲御史大夫言事每厲言叔  
父慎儀守歙盧絳陷歙迫慎儀降慎儀叱之絳殺慎  
儀未幾絳降宋絳與穎同朝穎憤絳殺慎儀思所以  
復之且曰古之殺人以義者令勿讎今絳不義縱殺  
無辜倘置不問非所以盡忠孝之義也昔段秀實奪  
笏擊朱泚其事殊壯有爲者亦若是乃私袖鐵簡入



朝會絳來陛見穎遽前擊之太祖驚問故穎以狀對  
因俯伏待罪且奏曰臣一爲國家除害二爲叔父報  
讎極言絳狼子野心不可畜於朝絳指穎犯闕大不  
敬太祖命按覆罪狀如穎所對太祖嘆曰江南小國  
有義士若是耶遂誅絳義穎而釋之謫知舒州又知  
鼎州太祖登極轉殿中侍御史進歷年圖降勅獎論  
曰汝富文學推于縉紳編歷代之紀成一家之書布  
在縑緗粲然今古事宋三朝大中祥符二年致仕官  
至銀青光祿大夫檢校司徒持節營州諸軍事兼御  
史大夫上柱國郵部郎開國侯卒年八十有三諡  
旣英特志大氣宏諫諍論議卓犖奇偉世以忠義稱  
之號曰端公

上官凝字成叔和平人嘗稟剛正內純明而外簡易  
學務體要爲文不陷陳迹講書歷代治亂得失出入  
意表登慶曆二年進士調銅陵尉會部使者以苛察  
威所部凝獨不屈使者怒措之無所得卒愧謝戒邑  
吏以尉爲法旣去老叟十數送境上饋藥數器曰公  
清白不擾奉以爲勤舟行發視之皆白金追而還之



曰吾不敢私汝父老恐吾私耶六年調潭州司理叅  
軍時郡之囚繫滿獄凝精意審聽其麗罪無冤人守  
常以喜怒輕重凝數爭之守怒凝爭益力縣送盜七  
人法當論死凝占牘察辭覺中二人非盜徐訊察之  
二人者果未嘗與盜接乃吏教盜扳之以幸賞耳由  
是人服其精明皇祐元年用薦爲陽朔令改著作佐  
郎知攸縣及湖口縣又知分寧豪右橫逞里閭吏治  
少急明陰中以計凝治之不貸有訟閱九年莫能決  
凝至旬日論治皆得其情又知安丘邑有成回者

嶽中丞廢歸干請侵漁致貨拒萬屢訟不直凝  
數堂下使伍累囚期後當窮治會其族人突爲守向  
巧語譖凝守聽之乃上奏追逮胥吏百餘輩驗治無  
狀守媿爲向賣念無已謝凝更辨折前章置酒求解  
凝亦不愠曰余自信而已山東大蝗旁邑皆被其害  
凝境上有烏萬數群食之歲獨大熟熙寧二年遷尚  
書職方員外郎通判處州賜五品服凝始至守持法  
峭深施措有不善輒格之不下其後守有置舍必先  
眠凝意故政皆近厚未幾捐館民悲歎出涕曰惠我



者乃捨而逝耶子璿均自有傳璿三子恂第進士歷東陽縣丞興化軍學教授澄怡自有傳均二子悟悟亦自有傳

吳處厚字伯固平酒人博學能詩文登皇祐五年進士第仁宗屢喪皇嗣處厚上言臣嘗讀史記考趙氏興廢本末當屠岸賈之難程嬰公孫杵臼盡死以全趙孤宋有天下二人忠義未見褒表帝覽其疏矍然卽以厚處為將作丞訪得兩墓於絳詔封嬰成信侯并自思智侯立廟祀之始蔡確嘗從處厚學處厚

相處厚通牋乞憐確無汲引意王珪用為大理丞王安禮舒亶相攻事下大理處厚知安禮與珪厚論亶用官燭為自盜確密遣達意救亶處厚不從確怒欲逐之未果珪請除處厚館職確又沮之珪為永裕山陵使辟掌牋奏確代使出知通州軍又徙知漢陽處厚不悅元祐中確知安州郡有請江卒當戍漢陽確固不遣處厚怒曰爾在廊廟時數陷我今比郡作守猶爾邪會得確游車蓋亭詩引用郝詭山事乃箋釋上之云郝處俊封甌山公會高宗欲遜位武后處俊



諫正今乃以比太皇太后且用滄海揚塵事此益時  
運之大變尤非佳語譏謗切害非所宜言於是諫官  
張燾范祖禹等連上章乞正確罪遂責降英州別駕  
新州安置擢處厚知衛州士大夫由此畏惡之未幾  
卒紹聖四年再貶元祐黨人追貶處厚欽州別駕處  
厚又嘗知真州司馬溫公贈詩有二云江淮一都會迎  
刃必多餘王荆公贈詩有二又爲漢吏知文法坐使  
淮人服教條所著有青箱雜記

孫諤字正臣三澗人父迪登嘉祐二年第諤性

博學多聞登熙寧六年第又法科第一纖悉詳盡世  
間其議皆與朝廷合及元祐之末呂大防蘓轍等用  
事則盡變其趣而從之紹聖之初陛下躬親總攬則  
又欲變其趣而偷合詭隨天下之人謂之三變皆顯  
黜之畏遂落職又言免役者一代之大法願博採群  
言無以元豐元祐爲間要以便元元至於無不均不  
平之患而止則先帝之烈昭然如日月之光明豈不  
盛歟蔡京言孫諤言後法以爲元豐多元祐省元豐



重元祐輕則是諤謂元豐之法不若元祐明矣是欲  
申元祐之姦惑天下之聽臣愚不知諤果何心也詔  
罷諤言職補外以直龍圖閣知廣德軍在軍重賢下  
士有張介者隱居城北諤躬造見之與酬唱焉後入  
元祐黨籍龜山楊時誌其墓子鎮登紹興己卯第知  
某州建義庄有政績

上官基字仲立恢之曾孫少誠實警悟讀書一再過  
卽成誦九歲孤奉母孝謹以恢遺澤授廸功郎尉  
州之安化不赴調監建康府倉基廉潔剛正舊

軍糧多虧減甚至推究其弊力懲之軍士稱快留守  
范成大盛稱其賢上疏薦之有修謹明敏之語以母  
憂去調贛州興國丞適歲歉穀價翔踊基邑當賑糶  
令欲更候臺府之報基曰民不得食則死何可久待  
設有譴責願身當之卽計口給歷遠近皆得就糴全  
活甚衆攝邑數月百廢具舉畧無滯訟秩滿調衡州  
軍事推官州欠上司及大軍諸錢迫於期會守謀於  
基基言衡陽附城之邑皆巨胥攬稅久而不輸莫之  
誰何致民戶徒掛欠藉於是委基監催基捐欠戶姓



名於市等第立限私攬畏懼如期而至不數日所輸  
及萬緡受納秋苗又罷收糜費槩量公平百姓便之  
時丞相趙忠定汝愚謫零陵道經衡陽以疾不起時  
韓侂胄用事沿途州郡送皆獲遣至是兩臺州司  
畧不敢與營辦基無雅素毅然獨往爲之殯歛悉如  
禮制人以爲難守錢登以治行薦于朝除四川茶馬  
又欲辟基爲屬不就調都大提點鑄錢司檢踏官分  
局潭之瀏陽坑場所隸課額日登嘉定戊辰卒於

衡父好學能文郎中趙崇憲以忠定登槐恩表授登  
仕郎

朱蒙正字養源邑人少蒙邁年甫冠始折節讀書爲  
文語輒驚人資政大學士黃履其舅也每奇之許以  
能立蒙正亦自淬勵入京寓大學博友英俊如是者  
十有餘年元豐八年登第調江都簿深以祿得及養  
爲喜每聽訟務得其情而後斷之法令重其爲人委  
以縣事蒙正亦自任不疑以故江都辦治尋用監司  
薦遷都昌令其治都昌如江都尤惡其植黨以傾善



良告戒弗從卽痛以法繩之未幾以內艱去後授衡  
州茶陵縣丞縣久缺令倉庾傾圮吏緣爲奸租賦不  
時入蒙正卽條畫申陳久不報乃歎曰此令丞職也  
何俟報爲亟命完葺更謹視出入奸弊遂絕租賦不  
督而辦歲旱精意祈禱雨輒至遠近沾足秩滿用薦  
舉改官辟知定州安喜縣坐茶陵任內請搬家眷錢  
奪官大觀初始雪正前事復官除知開封府長垣縣  
未數月差通判火山軍秩滿造朝權司農寺丞通判  
德順軍賜五品服太守武人越常例遺之甚厚

蒙正弗獲悉以所遺寄公帑後太守坐不法除名而蒙  
正無所累識者韙之政和四年得請致仕卒年六十  
有四蒙正持身廉慎性質直不自表暴恟恟如不能  
言而胸中是非了然平生志氣高遠乃持恐隱就功  
名之說欲有所爲而仕宦齟齬卒不如志君子惜之  
謝師稷字務本大乾人初歷福清懷安丞陞判興化  
軍都常有寃獄師稷爲辯明之遷湖北路提舉常平  
事再遷本路轉運判官改知襄陽兼京西安撫司公  
事淳熙二年除福建路提點刑獄持節鄉部以守法



除弊利人澤物爲已任建延汀邵四郡民苦敷鹽之  
弊乃按法令力禁除之又爲奏免輸鐵葉錢五年秩  
滿奏事因上敷鹽利害壽皇感動有公勤清約政績  
著聞之褒復畀漕事以直秘閣寵其行師稷再至部  
凡鹽之利害悉罷行之郡有歲輸軍儲斛面已免徵  
時守以經費不足將復之師稷又請於朝俾歲增運  
鹽二綱以助用而加賦卒得不復改知明州兼沿海  
制置使進秘閣修撰召遷除右司郎中陞集英殿修  
撰出知平江前守恃其富饒率意妄用郡計遂之  
樽節浮費一以愛人爲務初無橫取未滿歲積四  
十萬緡以郡城圯壞奏請用所積錢修繕遂爲壯觀  
未幾年老丐祠主管中佑觀轉中大夫致仕卒年八  
十二師稷生而端重廉介天性孝友歷諸道建臺作  
牧所去見思鄉人爲立壽祠於大乾惠應廟之右廡  
將樂順昌亦有祠其感人之深如此

上官模字規仲恢之長子自幼力學以父蔭補官初  
調臨江軍儀曹轉開封府封丘尉以賞循從政郎移  
楚州士椽秩滿當路交薦至九人改宣教郎知建康



府何容縣累遷朝請郎賜五品服浙西帥司辟主管  
機宜文字未幾除通判撫州適崇仁宜黃縣境巨盜  
逢起一方震恐官軍憚險不敢進賊勢益張帥憲二  
司以討賊事付模模深謀有斷乃召諸將密授方略  
遂躬率將士分據地利扼賊要衝縱兵直擣其巢先  
擒賊酋餘束手就縛衆駭以爲神諸司奏功降詔獎  
諭膺賞殊渥模天資仁恕樂於周急其待姻族久而  
彌厚生平無所嗜好薄利名喜恬退聞人之善必  
口爲之稱揚人稱爲長者云

極字日拔端公次子不第以壬沔李至李昉爲詔  
爲承直郎參政陳恕有疑獄不能決問之極極頃刻  
斷恕服其識薦爲太子右贊善真宗登位擢極爲  
御史中丞因曰食極上疏甚言王顯貪譏宜罷顯以  
咎天譴次年上以顯爲樞密使極又上疏如臣前言  
爲是則顯不宜典軍政如臣前言爲非則當罷臣以  
謝顯上爲罷顯後契丹入寇以顯爲都部署以禦契  
丹顯表極爲監軍欲中害之極請往上不許曰卿直  
言無隱不宜離朕左右一日上御崇文院謂極曰卿



為朕贊春時匡正良多願謂李迪曰如極者豈多得  
迪對曰可謂遭逢聖明矣

龔夫字道亨登元祐六年進士考官翰林學士范祖  
禹極奇之常對蘇軾言夫文可以經世軾薦於上詔  
為著作郎參知政事韓忠彥力言夫忠直可補彈糾  
之職召為殿中侍御史郎抗疏明元祐黨人之寃上  
納之為徙黨人於內地又劾蔡卞章惇夤緣為奸在  
君側則蔽主德在州郡則害蒼黎蔡京啣之譖監楊  
州酒稅甲申刻治元祐元符黨人碑于朝

上官渙然字文之渙酉之弟性穎敏早有文名尤靈  
意性理之學首悟大極之旨分解圖書以授同舍兩  
貢于鄉詩詞賦首選紹定六年以渙酉程需補將仕  
郎就銓入高等授迪功郎調鄞縣尉不畏疆禦務直  
民杜卒為權門所擠去民皆惜之公海制使趙以大  
張宴餞行作歌美之人皆以為榮吏侍杜範知渙然  
尉鄞之節嘉歎不已特破資格注無為軍錄叅渙然  
究心讖獄多所平反淳祐元年擢進士第沿江制使  
劉之傑聞其名就辟准備差遣是秋虜圍安豐制閩



進屯采石委渙然巡視江面犒師上流虜退圍解之  
傑力薦渙然謂其事事不苟推之他用必不隨波徇  
私遂陞一階尋調安豐教就職數月淮東制使李曾  
伯鎮維揚辟置幕下適虜寇深入曾伯遣議采石置  
苟以通謀報且令外援列城內應闕府是日韃騎已  
旁午城下渙然即時就道爲賊所襲乃詭計宵渡賊  
不能逼不兩日至采石曾伯聞而壯之書翰往返片  
紙數行益不啻桴鼓之相應也竣事上功有旨循一  
資明年復委渙然督運吳門渙然布畫有方備  
運過六十萬石持轉奉議郎知滁洲全椒縣事石丞  
相趙葵重師江上檄渙然入幕氣槩相與會制使吳  
淵一見偉之不聽還邑委書擬計理房公事凡府中  
事有難決者必折衷於渙然無不平允至於創立屯  
田淵初意但欲收絕產以軍民雜耕奉行者過於搜  
括至以有王之產亦強入官和舒兩郡民胥愁嘆渙  
然力救止謂無主田可屯有主之田不可屯辨折可  
否辭氣俱厲淵爲改容謝之後租稅既入民怨益甚  
淵亦悔屯田爲奉行所誤深服渙然識遠而言正



改辟池俸且謂渙然文士知兵可爲帥儲薦于上擢  
幹辦行在諸軍糧料院繼遷戎簿當陛對首疏謂欲  
正朝廷當自正君心始欲明紀綱當自明公道始愛  
善類以壯君子之脉容直言以伸公論之氣詞婉而  
諍不激不迂切中利病次篇論邊事敵情得諸耳聞  
目擊之實大率以玩敵爲戒謂今之敵情其可玩而  
視之乎敵欲致吾之玩而不可得一或玩焉是重其  
計中矣條陳守邊三策以獻上嘉納亦略見之施行  
改省監簿尋行轉朝奉大夫未幾以言者與祠位  
餘差知邵武軍以祖鄉乞回避除司農丞遷右司郎  
以言者去上察其無辜旋主管建康府崇禧觀從容  
散地不以得喪累其心卒朝野嗟悼渙然賦性孝友  
履行剛方俸祿稍給則分給女兒之嫠居及族黨故  
舊之貧乏者以是入仕三十年家無餘貲云  
謝皓字德夫少字商老幼孤受學于叔父調痛自刻  
厲至忘寢食調器之曰大吾宗者此子也旣冠入太  
學與游權老龔吉老齊名時人目爲三老登元豐進  
士第調南劍司戶歷瑞洪二州司理獄無苛留吏不



敢欺改秩知齊之歷城以政績聞除荆湖路提舉尋  
除運判時刑部郎中王穀督令本司保明前任酬獎  
功於格有碍皓奏發鮮廉寡耻越職犯分時論避之  
召對改兩浙通判擢金部郎大觀三年遼使至要索  
無藝接伴張閏等不能對上命皓代之皓入對曰不  
疑於物物亦誠焉苟待之以誠彼雖無知當亦屈服  
上嘉其對由是虜使出疆無敢他辭皓還以語錄奏  
上大喜曰明年卿可復使乃借太常少卿充賀正旦  
國信使皓援神宗諡沈括事以奏上慰遣之曰專對  
之仕卿不辱矣皓至虜待之優厚及宴射皓一發破  
的戎主駭服既還凡北界山川地理名物虜之情狀  
皆以聞遷司農少卿出歷建昌南劍絳州三都考績  
皆最親舊有謂者輟俸贈之且曰吾平生不以公事  
作人情常誨其子弟曰居官持公廉二字足矣河東  
織租優於他郡一見例冊卽十損五六機工織匠悉  
逐之至於園莫家人亦不得輒採請老奉祠卒八十  
謝汝明字晦叔建寧人年十八領鄉薦登嘉泰壬戌  
第兩調民曹繼辟柳之宜章令先是邑有飛虎召募



兩軍頗難調馭汝明一結以恩信得其懽心近邑有神曰武靈侯廟有神老數十輩倡妖言惑衆每歲迎奉謂不樂從橋必涉水以濟至邑則令避堂以舍之否則大災邑民惑焉椎牛醜酒無虛日兩軍至有爭祭而交兵者汝明至則親自出郊迎之諭衆曰從橋則安決不涉水又言令與神分理顯幽神憇公字令可無視事所乎宜奉神于寺舍祭在誠不在物其以蔬果奠神老不悅謂必大災汝明置神老于獄語之曰災則焚汝以謝百姓神老皆泣拜曰伏其造妖之狀邑竟無事民惑遂解臺郡聞之嘉嘆以爲有鄰令投巫之遺風判漢陽軍時行公田法受牒按境內使四隅日具官吏所至而躬臨以閱實雖雨雪不渝以故吏不得通賕謝而稅均於一路嘗辟爲漢陽錢監董築黃州城汝明建議齊安城外磨旗山虜至可瞰城中請築外城以環之中更虜寇其城尚存齊安之民賴之再辟四川餉幹卒于道

國朝何道旻字伯清泰寧人少穎異選著錄邑庠學成升中都胃監洪武二十八年拜大理評事時有強



盜大脚板者讞其獄有疑又不決 太祖皇帝怒謂  
道旻曰若等得無受其賄耶道旻力辯于廷事竟白  
遂遷監察御史彈劾不避權倖讞獄多所平反 太  
祖雅器重之命持節照刷四川文卷奏乞不拘欵限  
及自選監生爲佐因著爲例齊邸謀叛廷議遣御史  
勘問特以命道旻回奏稱旨陞江西按察司副使仍  
命考察郡邑貪廉輿論稱其明允顛賊陳平爲亂討  
戮渠魁而辨釋其誣指者民賴以安移湖廣時按察  
官又缺吏恣爲奸道旻至未幾宿弊盡革復建官  
事得失利害 上皆嘉納然以嚴憚見忌於衆竟坐  
事免官 太宗皇帝繼統復起命廣東按察司事憲  
使羅某倉皇首奏黜之雷州有閘溉田可七十萬頃  
當東作方興之時崩壞有司欲具奏得請然後脩道  
旻曰若然詎不使吾民失今歲之望乎亟遣設法修  
之隨以上聞民獲其利因立石以頌其功旻而督浙  
江工匠營造 北京凡六寒暑病者與藥死者與葬  
人咸德之宣宗卽位遴選老成以任郡守陞知永州  
府先是爲郡者務姑息猾吏貪緣爲奸道旻抵任事



無巨細必躬親處畫吏不能欺民以不病大將統兵  
征交趾所過州郡芻糧什器之需倉皇失措道旻獨  
以宿備蒙賞府治义燬因循未葺道旻以其餘力新  
之復興學校明教化學者用勸甫再期遂請老歸自  
筮仕至是殆四十年事四朝歷中外所至皆著能  
績人愛而畏之去後恒見思旻歸家杜門不出日以  
詩酒自娛年六十九卒道旻姿貌光偉聲音如鍾其  
介然特立若不可犯至於仁心愛物則藹然可親居  
官以清白著聞家無留貲俸祿不侈於自奉而事  
喪祭則致其豐教子必延明師里中孤寒之子亦  
使就學待宗族群從以恩接公卿士庶以禮故沒之  
日無貴賤少長莫不痛悼焉

李紹宗泰寧人字仕遠第永樂乙未進士授山東道  
監察御史稟性剛執法嚴彈劾無所避奉命視海南  
珠戶逋及巡按山東山西遼東所至皆有聲宣德二  
年擢浙江僉事明決仁恕平反寃獄人多德之七年  
冬丁内艱行李蕭然家素貧自甘淡薄足跡不履縣  
門服未闋卒



鄒昌字允隆泰寧人以字行登正統壬戌第拜太常  
博士凡朝廷大典儀大擬議卿佐不能決者多取正  
焉改太僕丞及英廟復辟選副翰林侍講學士黃  
諫往諭安南時經黎季犁之變舊章不存尊王禮廢  
允隆與諫據禮典以正其失國人始懾服致謹尊王  
之義濱行屬曰一國生靈懸二公手望賜涵容受福  
多矣暨還復命遂蒙嘉賞尋以外艱歸服闋入京  
師仍丞太僕未幾朝廷以學政久廢舉舊典選侍從  
有學行者以憲職佩璽書提督之遂有廣東公論  
擢至則端軌範嚴條約察勤惰公勸懲時詣學宮諭  
諸生以爲學之要當務立身行道如古聖賢非止習  
章句爲文詞干祿仕也蒞任僅四月俄以疾終  
徐溥字仕弘北廂人第正統戊辰進士拜監察御史  
卒於官卒之時其孤尚幼遺文事狀無有能收拾之  
者故其鄉人但聞其賢而不能言其所以賢惟陳都  
憲泰嘗爲文祭之謂其氣質剛方才華卓犖遂文學  
以登科甲明政體而膺顯擢持節按郡揚清激濁風  
紀振而吏悉畏其威理道公而人皆遂其樂觀此數



語則其爲人之大槩亦可想見矣說者謂溥與王竑等粹奸臣馬順擊殺之蹴踏搶裂血濺朝衣至今聞者莫不感羨巡按山西上欄溥無子許揭妻妾亦以見恩數之殊異云

危行字世隆邑人登弘治壬戌進士授樂安令樂安民健訟多逋欠前令遂以誣坐敗公堅持清苦蔬食敝衣淡如也民訟至庭必曲爲講析徵輸贏餘一介不取會直港賊至以計收捕殆盡建鰲溪橋民不勞而事集三年擢監察御史水藥之操益厲兩浙權貴

不避嫌疑人服其允及奉命巡江時劇賊之屯峰逸于江剽掠殺戮行疾強起視軍事忘食祭寇親冒艱險竟輿疾卒于官平生孝友不事私積俸入悉以供先世營葬兄弟同居垂四十餘載爲諸生時服闋當復廩以讓於听缺生謝瑜當應貢以讓于次貢生王相爲御史時逆璟竊權羅織縉紳遭罰贖甚酷貧而後能輸債莫能償也死之日囊餘白金七兩而已棺斂之費皆同僚營助子麒爲郡庠生亦知自守不愧其父焉



謝燦字世彰別號滄菴其先浙之臨海人宋丞相深甫之後燦父教侍其父子溫司訓蕪湖教因就應天府鄉試中詩經魁會試乙榜授郡司訓遂有卜居意及遷教諭長汀卒莫邵武子孫因家焉燦中福建鄉試登景泰二年進士第拜監察御史時同官朱驥奏留巡抚湖廣都憲李實德堪內輔掌臺綱總憲謂爲間已叅以上言大臣德政罪當斬燦韜其獄止以奏事不實坐之掌臺綱者盛怒欲併罪燦曰曰上言德政他官可擬若御史職在進賢退不肖惡可然此杜言路耶掌臺綱者意阻竟不能奪反巡按案巡撫都憲寇純誣奏開元胡叅軍以軍情事逆所部將士五百餘人劫燦技之燦見衆心洶也倡言欲殺純投北去燦慮起邊患遂號於衆曰寇都欲爲汝害我獨不能爲汝辯雪乎衆皆懼呼羅拜燦乃權宜發遣瞬息間人心遂定乃上章自劾專擅之罪時少保于公謙暨諸名卿大奇之北虜老稚百餘過遼陽爲哨兵遮獲總兵焦曦等欲希功繪圖馳約于燦曰繡衣同奏僉都可得燦報曰欺罔要功吾不忍爲



也因不從既而改南京御史 勅清戎淮甸鳳陽同  
知王姓者以贓污事覺懼訊夜遺數百金以求免嫌  
正色叱出竟置于法爲御史九載論列百餘疏皆切  
中机務成化乙酉陞兩淮都運使一時名輔李炳王  
宏輩深惜其去後欲大用未果淮鹽利重販鬻率皆  
國戚中貴人所占嫌至一裁以法貴戚斂跡各場豪  
民有坐山虎截港虎等號者素爲商民患嫌皆設法  
擒戮又創獄所設紙舖立義倉至今公私便之壬辰  
方畧獲魁醜二百餘同事僉憲追逮二郡民嘗從  
者甚衆將盡殺之嫌曰此屬皆良民被脅者何可誅  
耶因悉活之其平生奉公執法存心濟人率多類此  
兩淮列嫌于名宦謂其才足以治劇理艱巖足以臨  
民馭吏云兄熙煖煇俱見薦碑人物志二子珂貢入  
太學中應天甲子鄉試第九番中福建甲子鄉試第  
九郡守以天福登科扁額贈焉  
時瑞邑人爲人高穎有操氣概超絕爲文奇偉雄邁  
以明經恩選長沙府通判風裁凜凜不可犯有大盜



何震東者肆行劫掠累家巨萬寅緣當道人莫誰何  
瑞廉得其情捕之當道授以意令釋之弗聽盜陰以  
千金賄瑞瑞佯許誘其來見卽擒而杖殺之及諸貴  
人書至則無及矣人無不股慄以此忤當道意遂棄  
官歸瑞居官三載清正果斷執法不撓一文不取人  
或朝之嘗解以吾自有寶要錢何爲歸之日行橐蕭  
然不改寒素未幾疾卒

論曰吾郡山水峭激故人多骨鯁而尚氣節如龔  
同秀急擊盧絳不亦偉與成叔伯固諸人或不以  
奸相或計擒巨盜或守法除弊公廉專對夫豈以  
博名高蓋爲人植其性焉

明興而伏蒲引裾者何相望也伯清特立不可犯  
事四主而呼吸回天敷歷布雨中外稱能焉徐李  
危之激揚綱紀鄒允隆之往諭安南倘年而脩也  
其樹立僅白簡飛霜已也謝世彰才足治劇嚴足  
馭吏翩翩名侍御乎時別駕芥視千金坐除巨俠  
卽魯朱家無所用其奇凜凜丰裁豈易得者哉



邵武府志卷之四十四

人物志八

清修傳

宋黃應南字南仲泰寧人登宜和七年第歷湖廣江浙提刑稅事必正衣冠尊瞻視自俸祿外一介不苟取時稱爲中興廉吏

丘哲字元明建寧在城人登紹興丁丑第苦學清修不以利祿介其心後爲汀理以通直郎致仕

張遠字爾登登元豐五年進士歸隱不仕元祐間



邵武府志卷之四十四

人物志八

清修傳

宋黃應南字南仲泰寧人登宜和七年第歷湖廣江浙提刑稅事必正衣冠尊瞻視自俸祿外一介不苟取時稱爲中興廉吏

丘哲字元明建寧在城人登紹興丁丑第苦學清修不以利祿介其心後爲汀理以通直郎致仕

張遠字爾登登元豐五年進士歸隱不仕元祐間



建州節度使呂惠卿慕之常以文苑往來惠卿入  
朝薦之遠曰呂公以文相示則可以官相迫則不  
可且我由惠卿進則亦惠卿之流也辭不就後以  
侍御史龔夬薦起爲太常博士議祀典稱旨進爲  
洪文館學士兼翰林檢勘文字見朝廷貶逐臺諫  
刻黨人碑嘆曰此天下何等時也尚可居此位耶  
嘗辭歸至欽宗北狩憤恨而死

龔敏字吉老治平四年釋褐與謝商老游權老齊  
老齊名時人稱爲三老初授三簿遷閩清令邑多

盜敏行緝捕有賊首朱治家皆至巨萬常結內侍  
李憲人莫能制敏力捕得之收獄夜使人賫金二百  
兩求免死敏曰前後相賄縱此皆惡故使一方不寧  
竟叱出或曰恐李中官有碍敏曰李憲私通盜賊亦  
法所不容恨未得權以斬憲或又曰請從未減若置  
死地恐不得遷敏叱曰我除惡以安民又何愛一官  
次郎驅治邑門外杖殺之餘盜遠遁散治產以給士  
農之不足若受害之家鼓舞相賀李憲啣之 罷職  
國朝王定字彥文城南房廊街人領永樂癸未鄉薦



登甲申曾燦榜進士第除行人以賢能加御史遣往  
遼東巡點軍務定孤介廉靜獨持風裁凜凜然不可  
犯聲振邊域人皆稱廉御史云未復命以病卒子孟  
榮給文奔喪檢其囊中文卷之外蕭然無長物扶柩  
歸葬于二十都之香林寺後

朱濬字泗源南關人景泰改元登閩省鄉薦卒業太  
學歷事內府承運庫所與同事皆中貴人濬處之  
以正雖不見親厚亦不為忤既卒事乃授鴻臚寺序  
班仍掌內帑事人咸爲惜而濬處之怡然以進

勤慎受知於英廟優被賞賚滿九載陞光祿寺錄  
事益以廉勤自持謹出納杜姦欺干請無所應由是  
凡百供應比舊省費爲多寺之僚屬輪日巡風故事  
皆盛設酒饌至濬則一無所受一日民有輸麥數百  
斛濬以事不得往托他職收訖懷所受白金二錠瞰  
濬不在持入臥內密置寢席下濬見詢知其人卽叱  
令領去其公廉有守大率如此秩滿遂引疾乞休  
朝論以濬才賢精力尚未衰欲留之章三上乃允卽  
還家杜門不與時事足跡不輕入城府惟日觀書史



尤好誘掖後進至佛老巫覡一切浮靡之事深惡而痛絕若將淹已年七十有六卒

周灝字秉純南廂人生有異質以書經領景泰癸酉鄉薦苦志水蘗未嘗干謁有司除浙江海鹽令往令至里甲例派馬價百金灝遣還之政持大體善摘奸覆有積書劉淵者巧于弄法致產千金灝至按其奸狀大快人意時徵收例有羨餘灝悉貯庫以充正數民有因貧而背其婚約轉屬豪族者訴于灝灝助之金必令成婚豪不敢爭邑苦徭稅民不聊生灝議均賦之法遂減其徭之半民獲安堵至今頌德灝紳有清名上計奏最人多忌之者時有署邑者失其庫藏倉皇不能白獨懲監守者灝善觀數有大母子交口而觸其席灝令持宿單來看杳直獄者有黃廣其人鞫之立招遂坐之署者問故灝曰余詢問有二犬交口者獄也子凌母者獄卒也大觸席者廣也故杳單得黃廣人服其神灝存心平恕清獄寃者輒釋之有不可釋者縱使歸家與之約無不應期自至其信于民如此守有不便於民諍而忤之勿顧蒞海鹽三年



清介如一日都給張寧讚其一介不取擢松江府同知未赴任卒百姓莫不流涕有書二集藏于家焚于華峰

吳綱字宏舉建寧在城人義士孟禎之子少力學博記領成化癸卯鄉魁登弘治庚戌進士授工部主事奉委疏濟河以輸漕運開泰山三十六泉水利稱便嘗捐俸孔顏之廟齊東之土莫不悅服故諸藩有水部馳聲之譽歷任三年尋以外艱計至登車行李蕭然及居喪廬墓清淡如貧士然懷君之情每哭必草服闋上京適瑾賊方獗使人告於路曰欲墮官首千金不得公嘆曰吾豈以百金賄中貴博官哉瑾聞大怒公度其中傷乃拂袖歸林下二十餘年足跡不至公府建書舍以課子孫取園蔬以延賓客優游晚景邁疾而卒嘉靖間侍御樊公下有司禮配鄉賢黃銑羅漢巷人貌古心朴中正德十四年福建鄉試授中牟縣令剛介不諧于時歸家環堵蕭然足跡不至公庭惟以琴韻自適郡守吳國倫重其爲人數造廬請焉



李寧字懷德建寧人秉紉之玄孫稟性廉介耻言人  
過領鄉薦辭縣之厚贖登嘉靖己丑進士試政戶曹  
被簡領金二十萬以賑陝計羨一千不入私橐悉散  
諸饑民陝民多感之授揚州府節推楊多疑獄難決  
者當道召公至則決之檄視淮鹺商人報以金覲減  
手實公卻之悉以法從事不貸未幾以疾卒于官惜  
未展其才云其弟李實字懷用性卓犖雅好詩詞由  
選貢赴京入監會兄寧樞在宦邸力孀喪以歸葬之  
後授岳府通判總理七邑糧餉豪猾莫敢迫匿視其  
屬縣頗有政聲適上重修太和山撫按才實檄董  
役賓料理悉當工速成之少司徒陸公奏其績陞五  
品俸進階奉政大夫竟告歸家居以所得俸金散族  
之貧乏而賢者培之迄今里閭稱其有迺兄之風  
王錫字尚賢邑人三歲失父事母朱氏孝事兄如父  
送兄鍊喪扶柩雨泥中病濕幾不治幸愈領嘉靖甲  
午鄉薦矢志勵行非公不干有司會試例給夫價下  
未以母病不忍行辭弗受直指金公應祥嘉之書廉  
士扁其門趙公孔昭按郡謂王錫立心操行當千古



人求之親造其廬製孝廉二字旌之以疾卒三十四年送入祀

堯世美永隆巷人通判瑄之子為人孤介端方事母盡孝菽水必躬父居宦廉無其貲囊遺有海俸悉讓稚叔已惟清貧自守攻苦積學有行誼領嘉靖丙午鄉薦第六人礪節砥名如寒泉古柏清烈絕世有司仰慕其爲人每饋以金弗受令有罪者求隻字以釋亦弗得死之日蕭然四壁惟圖書數卷而已三十七年送入祀別號白束

龔數字時敏慎像十九世孫登正統元年進士矢志道學淡然不以榮利係心由主事歷官都轉運使常額羨餘月計可二千兩一切不取其友語之曰何自苦乃爾敬曰我常耻居官者動曰好官不過多得錢毫無爲民之意朝廷何賴有此臣清正爲時所忌遂解組歸悉以常額羨餘封貯於庫其父不容入門執耒柄杖之跪而受焉

涂堅字介石孤貧力學每作粥不足以充腹輒以野菜佐之一日補瘡痛父母之不存也悲號幾絕後貢



司訓南雄挈家俱往甫出門燈燭盡滅親故詰之或  
諷其且止家屬無行堅曰直往之否泰固有數也任  
滿歸竟無故少參歐陽公相繫堅門生分守邵武常  
造其廬堅絕不以私事相干一日飲酒酣歐公問曰  
貴邑有何景特催徵稍失嚴急堅佯對曰別無他繫  
惟條鞭繫耳歐公轉諭從寬人以爲仁者之言歐公  
又以官洲一片遺堅居民以爲芻牧無所訴堅堅曰  
旣不便于民吾何取焉竟辭之年八十八卒歐公自  
爲文臨祭而哭之哀人謂歐公固厚亦堅有以感之云  
徐美字實夫熙春街人穎異不群讀書過目輒成言  
領嘉靖壬子鄉薦刺史連州先是委署事者停裕文  
移蠲積美至剖理如振落連治僻在嶺南民苦橫征  
勢弗能支竄匿山林爲盜美目擊時艱遂刊石州門  
凡州中冗費一切減損歲可省萬計民如出水火舊  
例鹽課額外輸官者歲不下千金其他僥權羨餘吏  
胥謁見又將稱之美下令與衆痛爲裁革署中俎蔬  
自給澣衣糲食若不知有官或嗤爲布被公庶郡南  
雄南北之衝貨稅所入歲以數萬計每苦侵剋多不



以實聞御史緝齋趙公命美往按其事當事者懼設醴半斗誘如廁以重賂獻之美怒遂拂衣起悉按實不少徇于是商媼張燈有此油甚清如徐爺之頌有千戶陳宗堯肆武橫逞莫敢誰何將三十年公因衆怒按其不法上之竟死於獄遠近稱快豪猾聞者莫不股慄尤善應變持大體時更議築清遠城美往估計思價多傷官價少病事於正費外加三之一官私兩便徭徭莫環等爲外賊攻據其巢衆謂往救爲是議請非衆議嚴兵固圉防其奔出賊尋和解民得不賊首陳龍洲聚衆數千寇掠連陽二邑戒其下毋得犯賢太守境美聞往招賊遂帥其渠魁來降州民黃福海家爲鬼所侵巫師不能治訴于美美以印票拘治之而鬼遂不爲祟以績最擢同知承天連民徬徨相率焚轅卧轍車不能前上疏保留越二月遭疾夜中立而逝連民哭甚孝廉馬象乾父慶美赴城隍廟拜而相辭從者皆裁冠弓箭云益聰明正直沒而爲神於理亦有未幾入名宦萬曆十九年舉鄉賢督學耿公定力允之尋不果



黃文魁字應元光澤在城三圖人性狷介長於文識  
由選貢初任南雄衛州捕糧通判時屬簿有餽金藏  
于缶器內者面諍之以廉明者聲遷浙運司副使秩  
滿商民俱建祠以祀尋陞慶遠府同知乞休歸杜門  
不出有二莖遺風所著詩詞百餘章

盛祥字鳳卿寶嚴舖人特為人廉介重義有膂力善  
隸尤精大書嘉靖間倭寇亂捐貲招募壯士以備守  
禦且慷慨好施見貧者未嘗不周以明經授浙江新  
城訓導丁母艱補泉州府學以禮致仕生平豪俠不  
與人計錙銖居官卻贄幣貧士不能婚葬者捐俸給  
之不足又于家輦金以佐之士多受其惠歸之日立  
石紀思送人名宦當道高其誼以清風師世旌其廬  
蕭重熙泰寧人選貢生平砥行一言一動必希縱聖  
賢令靖安地苦賊而民疲公多方靖寇加意拊循民  
尸祝之任三年以艱子乞休垂橐而歸不給饘粥清  
介謹守猶如貧生時所著有五經彙語纂要諸書傳  
於世萬曆二十八年入鄉賢

危湘字汝澄光澤一都人字之曾孫也性恬淡寡欲



由選貢任靖江縣丞補寇獲贖金數百不取悉申請  
入官不意緣此招疑忤當道歸苦志林泉筆瓢屢空  
宴如也年七十二有二卒

張廷瑞字文貞南廂人賦性剛介事親至孝遭繼母  
之變無不隱忍以順承父志應壬辰選貢入太學司  
成馮公夢禎大奇之課輒弁諸生藉藉聲著南都陞  
數歸瑞貧無行資馮公付書薦諸嘉興惟官徐大紳  
謂瑞桑梓或可供行李需校書竟行紳遣人齎金于  
路弗受家居課子受徒雖厨無隔宿未嘗不恬如飽  
不干謁當道其生平耿直異少貶以狗不可得除  
泉丞瑞不願官卒于道入爲惜之

饒天顯字汝章光澤人由選貢受知廣東博白縣居  
官清儉善書能文有私託取南蛇膽者饒恚曰是可  
以苟祿乎剝民媚人吾不忍也隨乞休歸長謝公暇  
日事草書人有得尺牘者悉珍藏之

論曰丘元明積學登第不以利祿介心朱泗源屢  
事內府不以牀金染指王侍御巡點邊軍其子無  
以扶襯歸也不與黃南仲俱稱廉吏乎周秉純卻



派金貯羨金善摘奸覆若神雖古清白曷以加徐  
連州裁羨卻賄自非清風滲骨能使徭賊歸心耶  
蕭靖安垂橐而歸至不能給饘粥可令饕餮者僵  
死李司理殞命維揚其卻商覘手實之事故老猶  
能道之黃堯清苦狷介古道猶存盛黃簡伉孤貞  
高風不朽賢哉張也行橐蕭蕭卻饋攜李操雖勵  
而筭不修矣嗟夫姤節好修之士使之落落良足  
悲哉

### 仕蹟傳

宋龔識字默甫慎儀之子登端拱進士第祥符中以  
翰林學士李宗諤薦擢監察御史從直宗東封還遷  
殿中侍御史兼左巡史宋龔唐制御史不專言職至  
是始擇學術醇正操履端方可綱紀朝廷者俾入臺  
言事蓋自識始逾年以日疾求退授檢校司封郎中  
平江軍節度副使

虞肇字公初弱冠登慶曆二年第充推直用刑明審  
知南安軍年未七十謝事歸



高舉慶曆六年進士任處州司理參軍時郡有盜  
賊脇良民捕者利賞誣以真盜將論死照察其枉出  
繫者百餘人

上官塏字彥明凝長子敏而好學甫冠登嘉祐二年  
進士第官至太子中允廣南東路運轉判官葉尚書  
祖洽稱其才行過人治有異績

黃德裕字仲益和平人黃五經之後登元豐二年第  
累官知閩清縣方勁有爲人稱之再知鳳翔卒

上官澄字正平塏之次子十二歲而孤事母至孝  
父均學刻意進修元豐八年舉進士中第調深陽尉  
改新息用薦遷濠州錄事參軍復丞永城縣居官不  
孑孑以爲廉而不失於清不矯矯以爲直而不屈於  
守不察察以爲明而於真僞是非之際能聽而不惑  
決而不闕用是從事十餘年知者益鮮益以自信淡  
然不與物忤而亦無意於顯榮終于官

吳偉明字元昭登崇寧五年第紹興中以朝散郎知  
興化軍政尚簡嚴民安之後奉祠歸縉紳高其行舊患  
上官惜字仲雍均之季子幼穎悟秀出爲文警拔踰



冠登政和二年進士第主膠水簿改監海鹽鎮授泗  
州戶曹轉封丘部宣和六年除太學正高宗卽位覃  
恩改宣教郎召至行都差充提舉巡行迎奉一行事  
務所幹辦公事二帝北狩惜上相府書請勸車駕入  
京略曰都城自遭甌變生靈嗷嗷無所歸命者已八  
十日酌之公言參之人情未嘗頂吏不在趙氏自聞  
元帥康王統兵次于近境無不驩呼延頸以望屬車  
之塵今天命所歸宜以時速卽大位備法駕整車騎  
西入京師款謁廟社慰安士民然後蒐簡士卒進賢  
黜奸大明賞罰則興復之期可指而俟竊慮進言有  
不知事體或云胡騎在郊不宜自近或云京師城堞  
摧壞無以爲固是皆不然今四方勤王之師不下數  
十萬若遴選統帥列屯城上選兵揆明烽燧虜安敢  
輒犯城堞雖經毀敗兵衛若嚴衆心成城亦足以自  
固又况四方盜賊所在屯聚若大駕趨城號令四方  
與之更始孰不革面而從如聞止駐傍郡萬一奸雄  
別生覬望其患甚大中興權輿定在此舉又上相府  
書論朝政之宜謂今日之事若涉大川洪濤浩茫而



求濟之人寄命於舟楫一物不當人斯解體正宜謹  
號令振士氣杜私門開公路奸罪顯白人神共憤者  
雖貴不釋才猷暴著功績高異者雖微必賞毋適宵  
人母匿閹幸朝廷自崇觀以來恩賞至濫輕用名器  
故馴致喪亂至於此今四方拭目傾耳之初願大革  
前弊以新觀聽則中興之功指日可冀矣建炎二年  
除秘書省郎尋遷著作佐郎因主楚州類試廷試得  
實能特轉奉議郎三年除尚書吏部員外郎以親老  
丐祠主管臨安府洞霄宮紹興五年除知南劍州  
當建寧邵武二水之衝灘險水惡篙師少失勢舟輒  
覆溺情請于朝俾曹司助費遂盡鑿黯淡等九灘之  
險而水以平時魏矼守建安趙子木守昭守武而情  
守延平俱剛介有政聲人稱爲鐵錫脚刺史九年臺  
諫列薦于上御史中丞廖剛薦情學術深純剛方不  
撓文采蘊藉蔚有父風有旨召赴行在累劄催促情  
固以親老懇辭高宗云朕聞情才名正欲其來參政  
李光亦以書云召命出於上意豈有可辭之理情力  
上祠請除主管台州崇道觀轉朝請郎賜五品服尋